



SAKSPAPIR

Saksnr	Utval	Type	Dato
03/2017	Valstyret	PS	20.02.2017
16/2017	Kommunestyret	PS	06.03.2017

Sakshandsamar	Arkiv	ArkivsakID
Sølvi Legård	FE - 011	16/553

INNFØRING AV ELEKTRONISK AVKRYSSING I MANNTALET PÅ VALDAGEN / ENDRING/NEDLEGGING AV VALKRINSAR

Vedlegg:

Elektronisk avkryssing i manntallet på valgdagen

Rådmannen sitt framlegg til vedtak:

1. Vaksdal kommunestyre vedtek at det frå Stortingsvalet 2017 skal vere 3 valkrinsar i Vaksdal kommune; Vaksdal, Dale og Eidsland. Røystelokala vert lagde til Vaksdal samfunnshus, Dale barne- og ungdomsskule og Eidsland grendahus.
2. Stanghelle og Bergsdalen vert lagt til Dale valkrins. Eksingedalen og Stamnes vert lagt til Eidsland valkrins.
3. Vaksdal kommune skal nytta elektronisk avkryssing i manntalet på valdagen.

Valstyret - Sak 03/2017

VAL - Behandling:

Framlegg frå Eirik Haga om nytt punkt 3:

Det vert lagt til rette for førehandsrøysting 1 dag på Stanghelle, Stamnes og i Eksingedalen.

Framlegget frå rådmannen med endringsframlegget frå Eirik Haga vart samrøystes vedteke.

VAL - Tilråding:

1. Vaksdal kommunestyre vedtek at det frå Stortingsvalet 2017 skal vere 3 valkrinsar i Vaksdal kommune; Vaksdal, Dale og Eidsland. Røystelokala vert lagde til Vaksdal samfunnshus, Dale barne- og ungdomsskule og Eidsland grendahus
2. Stanghelle og Bergsdalen vert lagt til Dale valkrins. Eksingedalen og Stamnes vert lagt til Eidsland valkrins

3. Det vert lagt til rette for førehandsrøysting 1 dag på Stanghelle, Stamnes og i Eksingedalen
4. Vaksdal kommune skal nytta elektronisk avkryssing i manntalet på valdagen

Kommunestyret - Sak 16/2017

KOM - Behandling:

Samrøystes vedtak.

KOM - Vedtak:

1. Vaksdal kommunestyre vedtek at det frå Stortingsvalet 2017 skal vere 3 valkrinsar i Vaksdal kommune; Vaksdal, Dale og Eidsland. Røystelokala vert lagde til Vaksdal samfunnshus, Dale barne- og ungdomsskule og Eidsland grendahus
2. Stanghelle og Bergsdalen vert lagt til Dale valkrins. Eksingedalen og Stamnes vert lagt til Eidsland valkrins
3. Det vert lagt til rette for førehandsrøysting 1 dag på Stanghelle, Stamnes og i Eksingedalen
4. Vaksdal kommune skal nytta elektronisk avkryssing i manntalet på valdagen

Saksopplysningar:

Bakgrunn

Vallova § 9-3 seier følgjande om antal krinsar:

§ 9-3.Tid og sted for stemmegivningen. Organisering

(1) Kommunestyret, eller valgstyret etter delegering, avgjør hvor mange stemmekretser kommunen skal deles inn i. Folkeregistermyndigheten skal orienteres om endringer i stemmekretsinnndelingen innen 31. mars i valgåret.

Det ligg såleis til kommunestyret, eller valstyret etter delegasjon, å ta stode til kor mange valkrinsar kommunen skal delast inn i.

I Vaksdal kommune er det i dag 7 krinsar: Dale, Stanghelle, Bergsdalen, Vaksdal, Stamnes, Eidsland og Eksingedalen. Det har ikkje vore endringar i krinsinnndelinga sidan 1999 då Nordgrend krins var lagt ned og innlemma i Stamnes. Endring i valkrinsane må vera registrert i matrikkelen seinast 31. mars i valåret.

Ved siste val var antal manntalsførte i dei 7 krinsane slik:

Krins	Kommunevalet 2015	Pr. 01.02.2017
0000	8	7
0001 Dale	957	890
0002 Stanghelle	625	601
0003 Bergsdalen	64	61
0004 Vaksdal	1009	939

0005 Stamnes	350	336
0006 Eidsland	105	92
0007 Eksingedalen	118	113
Totalt	3236	3039

Vaksdal kommune sitt delegasjonsreglementet inneheld ikkje delegasjon til valstyret å ta avgjerd i endring av valkrinsar. Det er heller ikkje gjort særskilt vedtak om dette, saka må difor leggest fram for kommunestyret.

Elektronisk avkryssing i manntalet har vore gjennomført som eit forsøk i utvalde kommunar ved dei tre siste vala. Vallova er no endra slik at dette frå og med stortingsvalet 2017 er innført som ei permanent, frivillig ordning i alle kommunar.

Vurdering

Elektronisk avkryssing i manntalet vil effektivisere avviklinga av valet, både i vallokala og ved oppteljinga. Ein vil og redusere feilavkryssingar i manntalet ved at strekkoden på valkortet vert nytta for å slå opp veljaren i manntalet.

Rutinen med framande røyster vil falla vekk, då alle vallokala har tilgang til avkryssingsmanntalet for heile kommunen. Veljaren kan difor gå til kva vallokale som helst for å røysta, og avgje røysta si rett i urna. Ein slepp bruk av konvoluttar for veljarar som går i andre vallokale enn der dei er manntalsførte. Alle innbyggjarane får såleis ei lik oppleving av korleis valet vert avvikla, uavhengig av kva krins og vallokale ein røystar i.

Dei siste vala har det vore investert i nye valavlukka i nokre av vallokala. For å tilfredsstille krav om universell utforming, treng fleire av vallokala nye avlukke. Kostnaden for eit valavlukke er i overkant av kr 6 000 + mva. Ved å redusera antal krinsar vil ein raskare få oppdatert utstyr som stettar krav om universell utforming og ein kan tilby veljarane i desse krinsane eit betre utforma vallokale.

Ved elektronisk avkryssing i manntalet er det ein føresetnad med stabil nettilgang i vallokalet og ein må ha PCar tilgjendelig for valfunksjonærane. Det er anbefalt å ha minst to PCar i kvart lokale, både for å ta unna toppar, og for å ha ei backupløysing. Dette må også sjåast opp mot vurderinga om å redusera antal krinsar

Evaluering av forsøka med elektronisk avkryssing har vist at dei kommunane som har deltatt i forsøka har vore svært nøgde. Mange kommunar går no over til denne ordninga i samband med stortingsvalet.

Ein reduksjon i antal valkrinsar vil medføre færre valfunksjonærar/medlemmer i røystestyra, og det vil vere færre vallokale å administrera. Mange kommunar har redusert talet på valkrinsar dei siste åra. For å unngå at dette svekkar valdeltakinga er det særleg to forhold som er viktige: førehandsrøysting over ein lengre periode og ambulerande røstemottaking.

Ved alle val er det mogeleg å førehandsrøysta. Ordinær førehandsrøysting skjer frå 10. august og fram til siste fredag før valdagen. I tillegg er det ei ordning med tidlegrøysting frå 3. juli og fram til den ordinære førehandsrøystinga. Vaksdal kommune har førehandsrøysting i heradshuset samt på sjukeheimane og i Sveabrekko. Utvida opningstider kan vera aktuelt dersom ein vel å redusere antal røystekrinsar.

I tillegg er det ambulerande røstemottaking. Her kan veljarar som av spesielle grunnar ikkje kan ta seg fram til eit vallokale, søkje om å få førehandsrøyste der dei oppheld seg (i heimen).

Konklusjon

Rådmannen rår til at Vaksdal kommune tar i bruk elektronisk avkryssing i manntalet på valdagen frå og med stortingsvalet 2017. Som ein konsekvens av dette vert det føreslått å endra talet på valkrinsar til 3. Stanghelle og Bergsdalen vert foreslått innlemma i Dale. Eksingedalen og Stamnes vert føreslått innlemma i Eidsland. Reisetid for veljarane er tatt med i vurderinga her. Alternativt kan Stamnes oppretthaldast som eigen krins, og at Eksingedalen og Eidsland vert innlemma her.

På grunn av kort tidsfrist, er det ikkje lagt opp til at saka vert sendt på høyring. Dersom antal valkrinsar skal reduserast må ein uansett syta for god informasjon i tida fram mot valet, og leggja til rette for eit breitt tilbod om førehandsrøysting.